



GEorgius Mansfeldēsis apud Saxones natus, & optimè educatus est. Is cum domi bonas literas percepisset, sese hinc inde ad academias contulit, atq; magna diligentia liberalibus artibus et in primis Poëticae incubuit. Postea quoq; animū ad Theologiae studium adiecit, & in eo feliciter uersatus, praclarum sibi nomen comparauit. Edidit is epigrammata elegiaca ad imaginem mortis, & ad imagines, quae in Ioannis Apocalypsi proponunt. praeterea elegiam de restauratione scholae Sygensis in ditione comitis Nassaulensis: querelam insuper de incendio oppidi & arcis Freudenbergesis. Orationem quoq; dominicam, atq; aliquot Psalmos carmine expressit, ac Passionem saluatoris commodè descripsit. Euangelia etiam & epistolas Dominicales heroico carmine reddidit, atq; ea suis annotationibus per totum annum exposuit. Cum hac ratione bonis literis excolendis Georgius pergeret, omnibus doctis innotuit, atq; praclarum eruditionis & uirtutis sibi nomen comparauit, floruit is anno circiter 1543. Con. Gess.